

# Ժողովուրդ

176  
(2656)

7 դեկտեմբերի չորեքշաբթի 2022  
2022 տպագրության ժԱ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

## ՆԻԿՈՎ ՓԱՇԻՆՅԱՆԸ ԽԱԲԵԼ Է. ՄԱՍ 149



«Դոլարային արտահայտությամբ՝ Հայաստանի պետական պարտքը հասել է 10 միլիարդի շեմը: Նոյեմբերի սկզբի դրությամբ պարտքը կազմել է 10 մլրդ 63 մլն դոլար: Այլ պարագայում Նիկոլ Փաշինյանը կասեր՝ սա պատմական ռեկորդ է: «Ժողովուրդ» օրաթերթը նկատում է՝ ՀՀ վարչապետ Նիկոլ Փաշինյանը, որը նախկինում դեմ էր պարտք վերցնելուն, եկավ ու սկսեց պետական պարտքն ավելի մեծ տեմպերով ավելացնել: Նախկինում ասում էր՝ պարտքը վատ բան է, հիմա ասում է՝ դրանով դարձնելու ու մանկապարտեզներ, ճանապարհներ ու շենքեր ենք կառուցում: Նիկոլ Փաշինյանը նախկինում դեմ էր պարտք վերցնելուն, հիմա արդարացնում է: 168.am-ը հաշվարկել է եւ նկատում է, որ միայն այս տարվա ընթացքում պետական պարտքի գինը բարձրացել է 1,3 տոկոսային կետով: Եթե տարվա սկզբին պարտքի միջին կշռված տոկոսադրույքը 4,7 էր, հիմա դարձել է 6 տոկոս: Սա պարտքի չափազանց կտրուկ թանկացում է, որը տեղի է ունեցել ընդամենը 10 ամսվա ընթացքում: «Արտաքին վարկերի միջին կշռված տոկոսադրույքն այս տարի բարձրացել է 1,1 տոկոսային կետով, գրեթե կրկնապատկվել է. տարեսկզբին ընդամենը 1,5 տոկոս էր, հիմա դարձել է 2,6 տոկոս: Կանխատեսվում է, որ մինչև տարեվերջ էլ ավելի կբարձրանա, ֆինանսների նախարարի գնահատումներով՝ կհասնի ընդհուպ 2,9 տոկոսի: Բայց դրանով էլ արտաքին պարտքի թանկացումը կանգ չի առնի: Հաջորդ տարվա համար կանխատեսվում է, որ այն կկազմի 4,1 տոկոս՝ այս տարի սպասվող 2,9-ի փոխարեն: Պատկերացնում եք, 2 տարում 1,5 տոկոսից արտաքին պարտքի գինը կհասնի 4,1 տոկոսի», - նկատում է լրատվամիջոցը: Այսինքն՝ հերթական անգամ ականատես ենք լինում մի իրավիճակի, երբ ընդդիմադիր եւ վարչապետ Նիկոլ Փաշինյանի տեսակետները միմյանցից տարբերվում են, եւ նա այժմ արդարացնում է մի բան, որը նախկինում դատապարտում էր:


**Բ**արձրագույն դատական խորհրդի նախագահ Կարեն Անդրեասյանի գլխավորությամբ տեղի ունեցած վճռաբեկ, վերաքննիչ եւ առաջին աստիճանի դատավորների մասնակցությամբ աշխատաժողովը թանկ է արժեցել ՀՀ պետական բյուջեի վրա: Մասնավորապես, նոյեմբերի 25-ից 27-ը «Գետափ Դիվիզան» ռեստորանում ՀՀ դատավորների աշխատաժողովի ընթացքում ՀՀ դատական դեպարտամենտը 1 մլն 346 հազար դրամի պայմանագիր է կնքել «Սուրեն Աղաջանյան» ՍՊԸ-ի հետ: «Ժողովուրդ» օրաթերթը տեղեկացավ, որ ընթերցող կազմակերպված է եղել 132 անձի համար: Ընդ որում՝ ընթերցիս իր մեջ ներառել է մսի, թփի, պանրի տեսակների, երկու տեսակի աղցանների, հիմնական ուտեստ եւ խավարտ, ինչպես նաեւ աղանդեր: Բացի այդ, նույն աշխատաժողովի կազմակերպման համար Դատական դեպարտամենտը պայմանագիր է կնքել «Դիվիզան առողջարան» ՓԲԸ-ի հետ եւ 1 մլն 888 հազար դրամ տրամադրել 38 հոգու՝ երկու օրվա գիշերակացը կազմակերպելու համար: Տեղեկացանք, որ պատվիրված են եղել 4 կիսալուրջ, 34 ստանդարտ համարներ, եւ պատվիրված է եղել նաեւ նախաճաշ՝ 38 հոգու համար: Սակայն սա էլ դեռ ամենը չէ: Նոյեմբերի 25-ից 27-ի համար աշխատաժողովի մասնակիցների համար գիշերակաց է կազմակերպվել նաեւ «Բեսթ Կեսթերն Փլազա Փարադայս Ռոթել Դիվիզան» հյուրանոցում 83 հոգու համար, եւ տրամադրվել է 2 մլն 642 հազար 600 դրամ, իսկ 5 մլն 361 հազար դրամ էլ տրամադրվել է այդ նույն հյուրանոցում 83 հոգու համար 2 անգամ նախաճաշ, 130 հոգու՝ 2 անգամ ճաշ, սուրճի ընդմիջում եւ մեկ անգամ ընթերցող կազմակերպելու համար: Այսինքն՝ երկու օր Դիվիզանում աշխատաժողով կազմակերպելու համար մեկ անձից կատարվել է 9 մլն 538 հազար դրամի գումար:



**Շ**ուտով կլրանա «Սուրմալու» առևտրի կենտրոնի պայթյունի գործով հարուցված քրեական վարույթի 4-րդ ամիսը, սակայն խոշոր ձկները մինչ օրս պատասխանատվության չեն ենթարկվել: «Ժողովուրդ» օրաթերթի տեղեկությունների համաձայն՝ նախաքննական մարմինը հարցաքննել է Երեւանի «Սուրմալու» առևտրի կենտրոնի սեփականատեր Ռազմիկ Զախարյանին, սակայն չեն կարողանում գտնել առևտրի կենտրոնի պահեստապետին: «Ժողովուրդ» օրաթերթը դիմեց ՀՀ քննչական կոմիտեի նախագահին՝ «Ժողովուրդ» օրաթերթին հայտնեցին, որ «Սուրմալու» առևտրի կենտրոնի պայթյունի գործով հարուցված քրեական վարույթով նախաքննությունը շարունակվում է, վարույթի շրջանակում բազմաթիվ անձինք են հարցաքննվել, այդ թվում նաեւ՝ սեփականատերը, նշանակած փորձաքննության եզրակացությունը դեռեւս ստացված չէ, այս պահին մեղադրյալի կարգավիճակ ունի 4 անձ, որոնցից երկուսի նկատմամբ կիրառված է խափանման միջոց կալանքը: Այս վարույթի շրջանակում հետախուզման մեջ գտնվող անձ չկա: Նկատենք, որ 4 մեղադրյալներից երեքը պահեստը շահագործող անձինք են, չորրորդը՝ «Սուրմալու»-ի փոխտնօրենը, որը ազատության մեջ է: Հիշեցնենք, որ օգոստոսի 14-ին «Սուրմալու»- առևտրի կենտրոնում պայթյուն եղավ, որի հետեանքով 16 մարդ զոհվեց, եւ մեկը համարվում է անհետ կորած:



**Ա**յսուհետ Հայաստանի Հանրապետության պաշտոնաթող նախագահներին եւ վարչապետներին պետական պահպանությունն հնարավոր կլինի տրամադրել միայն վարչապետի որոշմամբ: Այսինքն՝ ՀՀ վարչապետ Նիկոլ Փաշինյանը շարունակում է ավելացնել իր լիազորությունները, չնայած ընդդիմադիր պատգամավոր եղած ժամանակ դեմ էր, որ երկրի ղեկավարն այդքան շատ լիազորություններ ունենա: Հայտնի է, որ դեկտեմբերի 9-ին ՀՀ Ազգային ժողովն արտահերթ նիստ է գումարելու, որի օրակարգում ընդգրկված է նաեւ «Հատուկ պետական պաշտպանության ենթակա անձանց անվտանգության ապահովման մասին» օրենքում փոփոխություններ եւ լրացումներ կատարելու մասին օրենքների նախագծերի փաթեթը: «Ժողովուրդ» օրաթերթը տեղեկացավ, որ այս նախագծերով առաջարկվում է սահմանափակել հանրապետության պաշտոնաթող նախագահներին եւ վարչապետներին տրամադրվող անձնակազմի պետական պահպանության տրամադրման ժամկետները: Մասնավորապես, առաջարկվում է Հայաստանի Հանրապետության տարածքում հանրապետության նախագահներին եւ վարչապետներին տրամադրվող անձնակազմի պետական պահպանության տրամադրման ժամկետը սահմանափակել համապատասխանաբար 7 եւ 10 տարիներով: Առաջարկվում է նախատեսել նաեւ իրավակարգավորումներ, որոնց պարագայում հանրապետության պաշտոնաթող նախագահներին եւ վարչապետներին օտարերկրյա պետություններում գտնվելու ժամանակ պետական պահպանություն կտրամադրվի մեկ տարվա ընթացքում օտարերկրյա պետություններ կատարվող ոչ ավելի, քան 20 օր ընդհանուր տեւողությամբ այցերի ընթացքում: Այս նախագծով Ազգային անվտանգության ծառայության գրասենյակի կարգավիճակ ունեցող Պետական պահպանման ծառայությունը ունենալու է վարչապետին ենթակա մարմնի կարգավիճակ, ավելին՝ պետական պահպանության ծառայության ղեկավարը նշանակվելու եւ ազատվելու է հանրապետության նախագահի կողմից՝ վարչապետի առաջարկությամբ, իսկ առաջին տեղակալը՝ վարչապետի կողմից՝ Ազգային անվտանգության ծառայության տնօրենի ներկայացմամբ: Այսինքն՝ այստեղ եւս վարչապետը նոր լիազորություններ կունենա եւ ԱԱԾ-ից կվերցնի ՊՊԾ ծառայությունը՝ տանելով իր ենթակայության տակ:



ՀԱՌՅԱՔՆՆՈՒԹՅՈՒՆ

ԽՈՐՀՐԴԱՐԱՆ ԿԳԱ ՀՀ ԳԼԽԱՎՈՐ ԴԱՏԱԽԱՋԸ

«Ժողովուրդ» օրաթերթի Տեղեկություններում ԱԺ «Հայաստան» խմբակցության դատախազ Գեղամ Մանուկյանին մեղադրանք առաջադրելու համար խորհրդարան կգա ՀՀ գլխավոր դատախազ Աննա Վարդապետյանը:

Մենք գրել էինք, որ Գեղամ Մանուկյանը հայտնվել է իրավապահների ուշադրության կենտրոնում քուրդ ազատամարտիկների՝ Թուրքիայում հայտնվելու դեպքով արած հայտարարությունների համար: Բանն այն է, որ «ԱԺ կանոնակարգ» օրենքի 108-րդ հոդվածի համաձայն՝ պատգամավորի նկատմամբ քրեական հետապնդում հարուցել կամ ազատությունից զրկել հնարավոր է միայն Ազգային ժողովով՝ դատախազի միջնորդության հիման վրա: Ընդ որում՝ պատգամավորի նկատմամբ քրեական հետապնդում հարուցելուն կամ նրան ազատությունից զրկելուն համաձայնություն տալու մասին Ազգային ժողովի որոշումն ընդունվում է գաղտնի քվեարկությամբ:



-Պետք է ի սկզբանե պարզաբանել, որ քրեական լրատվական խոշոր գործակալություններից մեկը տեղեկություն էր հրապարակել, որ հայկական կողմը Թուրքիային է փոխանցել երկու քուրդ ազատամարտիկների, որոնք կալանավորված են եղել Երեւանում: Եվ իրականում մինչև իմ հրապարակումը՝ երկու-երեք օր, քրդախոս սոցմեդիան ուղղակի առավոտվանից գիշեր գրում էին այդ զգալի երեւոյթի մասին, եւ լուրջ հակահայկական մթնոլորտ էր ձեւավորվել: Եղան հրապարակում եւ պետական գերատեսչությունների պարզաբանումներ, հետո հրավիրեցին որպես վկա հարցաքննության ինձ: Որքանով տեղյակ եմ, երկու դրվագով է հարուցված քրեական գործ՝ ազգային թշնամանք սերմանել եւ անօրինական սահման հատել: Մի հարցաքննություն է եղել, որի ժամանակ մանրամասն պարզաբանել, ներկայացրել եւ հերքել եմ ԱԺ-ի մոնիթորինգային խմբի սխալ մոնիթորինգը: Իմ հրապարակումը հանդարտեցնող է դարձել, որը նաեւ տարածվել է քրդական սոցմեդիայում, եւ հետագայում հակահայ տոնայնությունն այլեւս չկար: Բոլորը հասկացել էին, որ սա քրդերի դեմ ուղղված գործողությունն է, մնացածն արդեն թող իրավապահները պարզեն:

Հիշեցնենք, որ Գեղամ Մանուկյանը ԱԺ-ում հարցաքննվել էր քուրդ ազատամարտիկների՝ Թուրքիայում հայտնվելու դեպքով տարվող քրեական գործով, ինչը հենց Մանուկյանը հաստատել էր մեզ հետ զրույցում: «Ժողովուրդ» օրաթերթը ավելի վաղ գրել էր, որ ԱԺ-ում քրդերի՝ Թուրքիայում հայտնվելու առեղծվածային դեպքով քրեական գործ է հարուցվել, եւ բավականին խիստ է դրվել հարցը՝ պարզել, թե ինչպես են երկու քուրդ ազատամարտիկները հայտնվել Թուրքիայի ուժային կառույցներ մոտ: Հիշեցնենք նաեւ, որ երկու քրդերը Հայաստանում 2021 թվականի օգոստոսի 16-ին ապօրինի հատել էին Արաքս գետով անցնող ՀՀ պահպանվող պետական սահմանը:

Այս եւ այլ հարցերի շուրջ «Ժողովուրդ» օրաթերթը գրուցել է ԱԺ «Հայաստան» խմբակցության պատգամավոր Գեղամ Մանուկյանի հետ:

-Պարոն Մանուկյան, Ձեր հրապարակումից հետո քուրդ ազատամարտիկների մասով ԱԺ-ն հարուցեց քրեական գործ եւ Ձեզ հրավիրեց հարցաքննության: Հիմա մենք տեղեկություններ ունենք, որ Ձեզ պատրաստվում է նախաքննական մարմինը մեղադրանք առաջադրել: Կպատմե՞ք հարցաքննության մասին:

ԼՈՒՄ ԵՆ

ԱՊՐԵՋԱՆԸ ԳԱՋ ՈՒՆԻ

Արքեպանն ունի բռնակալ իշխանություն, բայց գազ՝ այս դահիճ բանկարժեք բան. Իսդաանիայի Իսդաանիայի Կոնգրեսի դատախազ Զոն Ինյարիտուն օրեր առաջ Հայաստանում էր:

ՀՀ Ազգային ժողովում պատգամավորների հետ հանդիպումից հետո Իսպանիայի Կոնգրեսի պատգամավորն այցելել է նաեւ Գեղարքունիքի մարզի Սոթք բնակավայր եւ տեսաուղերձով ցույց տվել Ադրբեջանի՝ սեպտեմբերին կատարած վայրագությունների հետեւանքները, կոչով դիմել միջազգային հանրությանը՝ ստիպելու Ադրբեջանին հարգել խաղաղության օրակարգը, հեռանալ Հայաստանի այն տարածքներից, որոնք օկուպացրել է: «Մենք գտնվում ենք Հայաստանում՝ Սոթքում: Այս ամբողջ տարածքը ռմբակոծվել է Ադրբեջանի կողմից սեպտեմբերին՝ հանգեցնելով քաղաքացիական զոհերի եւ հարյուրավոր տների ավերման: Մենք խնդրում ենք միջազգային հանրու-

թյանը գործել եւ ստիպել Ադրբեջանին հարգել խաղաղության օրակարգը, միջազգային մարդասիրական իրավունքը եւ հեռանալ հայկական հողից»,- նշել էր իսպանացի պատգամավորը: Այս առնչությամբ «Ժողովուրդ» օրաթերթը մի քանի հարց է ուղղել Իսպանիայի Կոնգրեսի պատգամավոր Զոն Ինյարիտունին:

-Պարոն Ինյարիտու, Դուք Հայաստանում ի՞նչ հանդիպումներ եք ունեցել եւ ո՞ր վայրերում եք եղել:

-Նախորդ օրերի ընթացքում ես այցելել եմ Ջերմուկի եւ Վարդենիսի տարածք: Մենք տեսել ենք այն տարածքները, որոնք հարձակման են ենթարկվել սեպտեմբերին Ադրբեջանի կողմից, եւ որոնք այժմ օկուպացված են Ադրբեջանի զինված ուժերի կողմից: Վնասը դեռեւս զգալի է, բայց ամենամտահոգիչը այս քաղաքների բնակիչների կողմից զգացվող անապահովության զգացումն է: Ադրբեջանը միակողմանի եւ առանց պատճառի հարձակվել է քաղաքացիական օբյեկտների վրա եւ օկու-

պացրել հայկական տարածքը: Այն թույլ է տվել միջազգային իրավունքի ակնհայտ խախտում: Խաղաղությունն անհրաժեշտություն է ողջ Կովկասի եւ նրա բնակիչների համար, այդ իսկ պատճառով Ադրբեջանի վայրենի գործողությունները պետք է դատապարտվեն, եւ նրա ուժերը դուրս բերվեն հայկական տարածքից:

-Սակայն միջազգային հանրության կողմից պատշաճ արձագանք չենք տեսնում: Ըստ Ձեզ՝ ո՞րն է պատճառը:

-Կարծում եմ, որ երկու պատճառ կա. առաջին հերթին աշխարհը նայում է Ուկրաինայի հակամարտությանը՝ նուրբ իրավիճակ, որտեղ կան անվտանգության եւ տնտեսության համար մի քանի վտանգներ: Մյուս կողմից՝ Ադրբեջանն ունի բռնակալ ու կոռուպացված իշխանություն, բայց գազ ունի՝ այս պահին թանկարժեք բան, այդ իսկ պատճառով շատ պետություններ նայում են այլ կողմ եւ գործում կեղծավորությամբ:

Ջրուցեց ՆԱԻՐԱ ՀՈՎԱՅՆՆԻՍՅԱՆԸ



ՄԻԱՅՆ ՔՊ-ՈՎ

Ազգային ժողովի հերթական նիստի օրակարգը երեկ իշխող ուժը քննարկեց առանց ընդդիմադիրների: Նիստերի դահլիճ ընդդիմադիր «Հայաստան» խմբակցության անդամները եկան միայն օրվա վերջում, երբ հայտարարությունների ժամն էր, եւ ելույթներ ունեցան:

Խորհրդարանական աշխատանքը իշխանության ու ընդդիմության մասնակցությամբ այսքանով ավարտվեց: Նիստի հիմնական օրակարգը քննարկվեց միայն իշխանականների մասնակցությամբ: Այսօր եւս Ազգային ժողովի նիստերը կշարունակվեն, սակայն ԱԺ «Պատիվ ունեն» խմբակցության քարտուղար Տիգրան Աբրահամյանն արդեն իսկ հայտնել է, որ այսօր եւս ընդդիմադիր խմբակցությունների պատգամավորները չեն մասնակցելու կառավարության հետ հարցուպատասխանին: Այդ օրերին ԱԺ է գալիս նաեւ Հայաստանի Հանրապետության վարչապետ Նիկոլ Փաշինյանը:

ՆՎԵՐ ՉԻ ԿԱՐԵԼԻ

Երեկ Ազգային ժողովում արդարադատության նախարարի տեղակալ Արփինե Սարգսյանը ներկայացրել է «Հանրային ծառայության մասին» Հայաստանի Հանրապետության օրենքում փոփոխություններ եւ լրացումներ կատարելու մասին» նախագիծը, որը առավելապես հանրային պաշտոն զբաղեցնող անձի եւ հանրային ծառայողի կողմից նվերներ ընդունելու սահմանափակումների եւ շահերի բախման իրավիճակները կառավարելու վերաբերյալ է:

Ըստ այդմ, պաշտոնյաները պետք է միջոցներ ձեռնարկեն, որ իրենց ընտանիքի անդամները եւ իրենց հետ փոխկապակցված այլ անձինք (այս օրենքի իմաստով՝ փոխկապակցված անձինք են պաշտոն զբաղեցնող անձի ամուսինը, պաշտոն զբաղեցնող անձի կամ նրա ամուսնու զավակը (այդ թվում՝ որդեգրված), ծնողը (այդ թվում՝ որդեգրողը), քույրը, եղբայրը) չընդունեն նվեր կամ այն հետագայում ընդունելու համաձայնություն չհայտնեն, եթե առկա է հնարավոր կամ իրական կապ հանրային պաշտոն զբաղեցնող անձի կամ հանրային ծառայողի պաշտոնեական (ծառայողական) պարտականությունների կատարման եւ ստացված նվերի միջոց: Եթե հանրային պաշտոն զբաղեցնող անձը կամ հանրային ծառայողը ստացել է նվեր, որը ողջամտորեն կարող է ընկալվել որպես իր պաշտոնեական (ծառայողական) պարտականությունների իրականացման կապակցությամբ տրված, ապա հանրային ծառայողը սահմանված կարգով անմիջապես, սակայն ոչ ուշ, քան հնգօրյա ժամկետում, հայտնում է տվյալ մարմնի՝ բարեվարքության հարցերով կազմակերպչին:

ԻՐԱՎԻՃԱԿ

ԿՔՆՆԱՐԿԵՆ

ՀԱՅԱՍՏԱՆԸ ՄՏԱՅԵԼ Է ԱՌԱՋԱՐԿՆԵՐ

ՀԱԿԱՍԱԿԱՆ

Երեկ հակասական հայտարարություններ տարածվեցին Լաջինի միջանցքում անցակետ տեղադրելու շուրջ: Ադրբեջանական հենակետ տեղադրելու մասին լուրերը տարածվեցին Լեռնային Ղարաբաղում տեղակայված ռուսաստանցի խաղաղապահների հրամանատար գեներալ-մայոր Անդրեյ Վոլկովի՝ Ադրբեջանի հանրային հեռուստատեսությամբ արված հայտարարությունից հետո: Վոլկովն ասել էր, որ «Լեռնային Ղարաբաղը Հայաստանին կապող ճանապարհի վրա միևնույնի մաքսակետ կտեղադրվի՝ հագեցած հատուկ սարքավորումներով»: Ավելի ուշ Արցախի ԱԱԾ-ն հերքեց Արցախը Հայաստանի հետ կապող միջանցքում ադրբեջանական հենակետ տեղադրելու մասին լուրերը: Ստեփանակետը հայտնեց, որ հարցի շուրջ քննարկում է կազմակերպվել Վոլկովի հետ, որի ընթացքում «վերջինս հայտարարել է, որ միջանցքում հենակետ չի լինելու, այն ադրբեջանցիների կողմից չի վերահսկվելու, եւ միջանցքում խաղաղապահների տեղակայման վայրերում, ադրբեջանցիներ չեն լինելու»: Այժմ էլ այդ մասին հայտարարություն է տարածել Արցախի անվտանգության խորհուրդը: Ըստ հայտարարության՝ խաղաղապահ զորակազմի պատասխանատվության գոտի արգելված առարկաներ մուտքը չթույլատրելու նպատակով ՌԴ խաղաղապահների կողմից դիտարկվել է Լաջինի միջանցքի թիվ 1 հենակետում ռենտգեն-սկաների տեղադրման հնարավորությունը մտնող տրանսպորտային միջոցների գնման նպատակով:

ԿԱԻՐԱՅԻՆ ՓՈՓՈԽՈՒԹՅՈՒՆՆԵՐ

Հայաստանի Հանրապետության գլխավոր դատախազ Աննա Վարդապետյանի՝ դեկտեմբերի 5-ի եւ 6-ի հրամաններով դատախազությունում տեղի են ունեցել կադրային փոփոխություններ, նաեւ՝ առաջխաղացումների ձեռնարկ: Մասնավորապես՝ Յուլիանա Բաբայանը նշանակվել է Հայաստանի Հանրապետության գնվորական դատախազի տեղակալի պաշտոնին: Արդարադատության առաջին դասի խորհրդական Գեորգ Խալաթյանը նշանակվել է Եղեգնաձորի կայազորի գնվորական դատախազի պաշտոնին՝ ազատվելով Եղեգնաձորի կայազորի գնվորական դատախազի տեղակալի պաշտոնից: Արարատի մարզի դատախազության դատախազ, երրորդ դասի խորհրդական Գագիկ Մնացականյանը փոխադրվել է եւ նշանակվել մարզի դատախազության ավագ դատախազի պաշտոնին: Վերջինս Առաքելյանը նշանակվել է Արարատի մարզի դատախազության դատախազի պաշտոնին: Արարատի մարզի դատախազության ավագ դատախազ, երկրորդ դասի խորհրդական Արեգ Խաչատրյանը փոխադրվել է եւ նշանակվել Շիրակի մարզի դատախազության դատախազի պաշտոնին: Երեւան քաղաքի Կենտրոն եւ Նորք-Մարաշ վարչական շրջանների դատախազության դատախազ, արդարադատության երրորդ դասի խորհրդական Ռազմիկ Արսենյանը փոխադրվել է եւ նշանակվել Երեւան քաղաքի Կենտրոն եւ Նորք-Մարաշ վարչական շրջանների դատախազության ավագ դատախազի պաշտոնին:

Գլխավոր դատախազի մեկ այլ հրամանով՝ Գեորգյանի մարզի դատախազության դատախազ, երրորդ դասի խորհրդական Հրանտ Մուրադյանը, իր դիմումի համաձայն, ազատվել է զբաղեցրած պաշտոնից:

Չի բացառվում, որ մինչև սարկվեջ սեղի ունենա Նիկոլ Փաշինյան- Իլ-համ Ալիև եւ մեկ հանդիպում: Երեկ խորհրդարանում այս մասին հայտարարեց ՀՀ Ազգային ժողովի արտաքին հարաբերությունների հանձնաժողովի նախագահ Էդուարդ Աղաջանյանը: Պատգամավոր Էդուարդ Աղաջանյանը նշեց, թե Երեւանը ստացել է Քաֆկի առաջարկների 3-րդ փաթեթը, եւ այժմ ընթանում է հնարավորների 3-րդ փուլը:

«Այո, ճիշտ է՝ հայկական կողմը ստացել է Ադրբեջանի առաջարկները, որոնք, ըստ էության, արձագանք են հայկական կողմի առաջարկների, բայց, այո, ճիշտ է՝ հայկական կողմը ստացել է Ադրբեջանից պատասխան առաջարկները: Իսկ ինչ վերաբերում է երկրների ղեկավարների կամ արտաքին գործերի նախարարների մակարդակով հնարավոր հանդիպմանը նախքան տարեվերջ, կարծում եմ, այո, չի կարելի բացառել», - ընդգծեց Աղաջանյանը:

Նշենք, որ մեկ օր առաջ տեղի է ունեցել Ռուսաստանի Դաշնության արտաքին գործերի նախարար Սերգեյ Լավրովի եւ Ադրբեջանի արտաքին գործերի նախարար Ջեյհուն Բայրամովի հանդիպումը, որից հետո երկու կողմերը հանդես էին եկել նաեւ մամուլի համար հայտարարություններով: Հենց այդ ժամանակ էլ Ադրբեջանի արտաքին գործերի նախարար Ջեյհուն Բայրամովը նշել էր, որ հայկական կողմի ներկայացրած առաջարկները Բաքվի համար ընդունելի չեն եղել, հետեւաբար Ադրբեջան իր կողմից չի առաջարկներ է ուղարկել: Ըստ Բայրամովի՝ հայկական կողմն առաջարկները վերածել է բազմաշերտ շրջանակային համաձայնագրի, իսկ Բաքուն ցանկանում է ստորագրված փաստաթղթի տեսքով որեւէ հիմք ունենալ առաջ շարժվելու համար, եւ անհրատեսական է համարում կարճ ժամանակում հարցերի բարդ փաթեթ համաձայնեցնելը:

Ռուսաստանի արտգործնախարար Սերգեյ Լավրովն էլ այդ նույն հանդիպումից հետո կրկին նկատեց, թե Պրահայում ձեռք բերված բանակցություններից հետո Մոսկվայի գործը հեշտացել է, քանի որ «Պրահայում կողմերը իրենք հայտնեցին, որ մտադիր են բոլոր խնդիրները լուծել՝ ՄԱԿ-ի կանոնադրության ու 1991



թվի Ալմա-Աթայում ստորագրված հռչակագրի հիման վրա»: Ըստ Ռուսաստանի արտգործնախարարի՝ Մոսկվան առաջարկել է փորձել է առկախել Ղարաբաղի կարգավիճակի հարցը, իսկ հիմա, փաստորեն, Հայաստանի ու Ադրբեջանի առաջնորդները տրամագծորեն այլ բան են պայմանավորվել: Ինչպես հայտնի է, Հայաստանի, Ադրբեջանի, Ֆրանսիայի ու Եվրոպական խորհրդի ղեկավարները համատեղ հայտարարություն են ընդունել՝ երկու կարեւոր արձանագրմամբ: Նախ՝ Բաքուն եւ Երեւանը ճանաչում են միմյանց տարածքային ամբողջականությունն ու ինքնիշխանությունը՝ հանձնառություն հայտնելով ՄԱԿ-ի կանոնադրությանն ու խորհրդային Միության փյուզումից հետո Ալմա-Աթայում 1991-ին ստորագրված հռչակագրին: Կողմերն ընդգծում են, որ սահմանազատումը կայանալու է հենց այդ հիմքով: Բացի այդ, Հայաստանը համաձայնել է Եվրամիության քաղաքացիական առաքելություն տեղակայել Ադրբեջանի հետ սահմանի երկայնքով, Ադրբեջանը համաձայնել է համագործակցել այնքանով, որքանով որ առնչություն կունենա դրա հետ:

Երեկ՝ մամուլի ասուլիսի ժամանակ, Էդուարդ Աղաջանյանն անդրադարձավ նաեւ Սերգեյ Լավրովի հայտարարություններին. «Հարցի էությունը, ինչպես եւ ի սկզբանե Հայաստանի դիրքորոշումն է եղել, ժողովուրդների, իրավունքների եւ տվյալ պարագայում արցախցիների ինքնորոշման իրավունքի շրջանակում է եղել: Եվ փորձում ենք հենց փաստերի ու փաստարկների լեզվով հնարավորինս ապացուցողական տվյալներ ներկայացնել այն մասին, թե ինչու է մշտապես եւ մասնավորապես այս պահի դրությամբ կարեւոր արցախցիների հենց գոյութենական խնդրի վերահսկումը եւ դրա մասին մեր գործընկերներին ներկայացումը», - ընդգծեց Աղաջանյանը:

Ալմա-Աթայում ստորագրված հռչակագրին հղում կատարելը որեւէ առնչություն չունի Լեռնային Ղարաբաղի խնդրի հետ. վստահեցնում են իշխող խմբակցության պատգամավորները՝ ավելացնելով, թե հակառակ դեպքում կստացվեր, որ ԼՂ հիմնախնդիրը տարածքային վեճ է, ինչպես պնդում է Բաքուն:

ՆԱԻՐԱ ՀՈՎՀԱՆՆԻՍՅԱՆ

ՕՐՎԱ ԽՃԱՆԿԱՐ

ԵՐԵՎԱՆԻ ՀԱՄԱԳՈՐԾԱԿՑՈՒԹՅՈՒՆ

ՀՀ պետական եկամուտների կոմիտեի նախագահ Ռուստամ Բադալյանն Ամերիկայի Միացյալ Նահանգներ կատարած աշխատանքային այցի շրջանակում հանդիպում է ունեցել Միջազգային անվտանգության հարցերով պետքարտուղարի օգնական Էլիոթ Քանգի հետ:

Հանդիպման ընթացքում քննարկվել են երկկողմ համագործակցության մի շարք հարցեր: Մասնավորապես, կարելի է մաքսային ոլորտում Պետության եկամուտների կոմիտեի եւ ԱՄՆ տարբեր գերատեսչությունների համագործակցության ամրապնդումը: Կողմերն անդրադարձել են նաեւ Արտահանման վերահսկման եւ հարակից սահմանային անվտանգության ծրագրի (EXBS) շրջանակում համագործակցության ընդլայնմանն ուղղված հարցերին:

Կողմերը պատրաստակամություն են հայտնել բարձր մակարդակի հանդի-

պումները դարձնել շարունակական երկու երկրների մաքսային ծառայության ոլորտներին առնչվող ընթացիկ խնդիրներին արագ լուծումներ տալու նպատակով:

ՀԱՆԴԻՊՈՒՄ ՎԱՇԻՆԳՏՈՒՄ

Մարդու իրավունքների պաշտպանը Վաշինգտոնում հանդիպել է ԱՄՆ Պետքարտուղարի Եվրոպական ու Եվրասիական հարցերով փոխտեղակալ Էրիկա Օլսոնի հետ:

Փոխտեղակալ Օլսոնը նշել է, որ իրենք շարունակում են աշխատել բազմաթիվ հումանիտար հարցերի լուծման ուղղությամբ, այդ թվում՝ ռազմագերիների վերադարձի, անհետ կորած անձանց ճակատագրերի պարզման եւ այլն:

Քրիստինե Գրիգորյանը փոխտեղակալին ներկայացրել է Պաշտպանի հաստատության արտահերթ գեկույցները,

որոնցում փաստագրել ու վերլուծել են սեպտեմբերի 13-14-ին ադրբեջանական հարձակման ընթացքում ու դրանից հետո տեղի ունեցած մարդու իրավունքների շարունակական խախտումները, հարձակման ենթարկված համայնքներում ապրող մարդկանց հումանիտար խնդիրները, պատերազմական հանցագործության այն փաստերը, որոնք Պաշտպանի աշխատակազմը հաստատել է հատուկ մեթոդաբանությամբ, ինչպես նաեւ հայերնադարձված ռազմագերիների վկայությունների հիման վրա կատարված հետետեսությունները Ադրբեջանում իրենց պահման ընթացքում խոշտանգումների ու անմարդկային վերաբերմունքի փաստերի մասին:

Պաշտպանը կարեւորել է կատարված հանցանքների համար պատասխանատվության ու պատժի անխուսափելիության հարցը՝ անկախ նրանից, թե ինչ ազգություն ունի հանցագործը:



ՀԱՍԱՐԱԿՈՒԹՅՈՒՆ

ՄԱՐԶ

ՊԱՐԳԵՎԱՏՐՈՒՄՆԵՐԸ ԶԻ ՀՐԱՊԱՐԱԿՈՒՄ

Վարչապետ Նիկոլ Փաշինյանի դասերը, նրա հարսանիքի քավոր, Նիկոլ Փաշինյանի որոշումներով 2019թ. սեպտեմբերի 12-ին Իջեան համայնքի ղեկավարի պաշտոնակատար, 2021թ. ապրիլի 8-ին Տավուշի մարզպետ Նշանակված Հայկ Ղալումյանին «Ժողովուրդ» օրաթերթի անունից տեղեկատվական հարցում է ուղարկվել, եւ հարցման մեջ ներառված էր այն հարցը, թե պետական բյուջեից Տավուշի մարզպետարանի աշխատողների պարգևատրումների վերաբերյալ իր կայացրած որոշումները ինչու չեն հրապարակվում Տավուշի մարզպետարանի ինտերնետային կայքում:

Մարզպետարանից ստացված պատասխանում նշված էր. «Պարգևատրումների վերաբերյալ որոշումները չեն հրապարակվում, քանի որ դրանք պարունակում են աշխատողներին վերաբերող անձնական տվյալներ՝ նրանց եկամուտների մասին»: Տավուշի նախկին մարզպետների պաշտոնավարման ժամանակ մարզպետարանի աշխատողների պարգևատրումների մասին մարզպետների որոշումները հրապարակվում էին Տավուշի մարզպետարանի ինտերնետային կայքում. այդ որոշումներում նշվում էր, որ մարզպետարանի թվով այսքան աշխատողներ պարգևատրվում են ընդհանուր այսքան գումարի չափով, պարգևատրվողների ցանկը՝ որոշման հավելվածում, հավելվածն էլ փակ էր լինում: Այսինքն՝ մարզպետարանի աշխատողների եկամուտների մասին անձնական տվյալներ չէին հրապարակվում: Իրականում Տավուշի մարզպետ Հայկ Ղալումյանը պետք է իրեն և մարզպետարանի աշխատողներին պարգևատրելու մասին իր որոշումները մարզպետարանի ինտերնետային կայքում չի հրապարակում, որովհետեւ գիտի, որ սահմանափակ, աղքատ մարզում պետք է մարզպետարանի պաշտոնյաների ճոխ պարգևատրումների մասին տեղեկատվությունը հանրության կողմից վատ է ընդունվում:

Մարզպետ Հայկ Ղալումյանին նաեւ «Ժողովուրդ» օրաթերթը գրավոր հարցում է արել, թե 2022թ. նոյեմբերի 25-ի դրությամբ Տավուշի մարզի սոցիալապես անապահով, աջակցության կարիք ունեցող բնակիչները 2022 թվականին Տավուշի մարզպետարանի միջոցով պետական բյուջեից որքան գումարի դրամական օգնություն են ստացել, 2022թ. նոյեմբերի 25-ի դրությամբ Տավուշի մարզպետարանի աշխատակիցները պետական բյուջեից ընդհանուր առմամբ որքան գումարի պարգևատրումներ են ստացել: Մարզպետարանից ստացված պատասխանում նշված է, որ սոցիալական աջակցության գումարներից նոյեմբերի 25-ի դրությամբ տրամադրվել է 66,3 միլիոն դրամ (բյուջեով նախատեսված է 80 միլիոն դրամ), Տավուշի մարզպետարանի թվով 76 աշխատակից 33 պետական բյուջեով նախատեսված 59,5 միլիոն դրամից 2022թ. նոյեմբերի 25-ի դրությամբ ստացել է 49,5 միլիոն դրամի պարգևատրում:

ՈՍՎԻՆ ՍՈՐՈՍՅԱՆ  
Տավուշ

ՆԱԽԱԳԻԾ

ԾԱՌԱՅՈՒԹՅՈՒՆԻՑ ԱԶԱՏՎԵԼՈՒ ՄԻՋՈՑ

Արցախի Հանրապետության Ազգային ժողովում Երևանում անց է կրվել «Ձինվորական ծառայության եւ զինծառայողի կարգավիճակի մասին» օրենքում փոփոխություն կատարելու մասին» օրենքի նախագիծը, ըստ որի՝ նախատեսվում է դարձադիմացի զինվորական ծառայությունից ազատվելու հնարավորություն սալ նաեւ 44-օրյա դաժնակներով զինծառայողների եղբայրներին:

Ըստ օրինագծի հիմնավորման՝ գործող օրենքը, բացի ծառայության ընթացքում զոհված ծնող, եղբայր կամ քույր ունենալը, զինծառայությունից ազատվելու պարտադիր պայման է սահմանում նաեւ ընտանիքի միակ արու զավակ լինելը: Կան 44-օրյա պատերազմում եւ դրանից հետո Արցախի տարածքում ծավալված մարտական գործողությունների հետեւանքով զոհված զինծառայողների կրտսեր եղբայրներ, որոնք ենթակա են պարտադիր զինվորական ծառայության, քանի որ ընտանիքի միակ արու զավակը չեն:

Օրենքի նախագծում, անդրադարձ կատարելով ընթացիկ իրավիճակին եւ խնդիրներին, նշվում է, որ 44-օրյա պատերազմում զոհված զինծառայողների ծնողները գտնվում են ծանր հոգեբանական եւ սոցիալական վիճակում եւ չեն ցանկանում իրենց կրտսեր որդուն եւս ուղարկել զինվորական ծառայության, եւ այդ հողի վրա 2022 թվականի գորակոչի ընթացքում հասարակության շրջանում բարձրացված դժգոհության ալիքը Արցախի Հանրապետությունում եւ Հայաստանի Հանրապետությունում «Ձինվորական ծառայության եւ զինծառայողի կարգավիճակի մասին» օրենքների 21-րդ հոդվածում պարտադիր զինվորական ծառայությունից ազատվելու հիմք հանդիսացող եւ իրարից տարբերվող մոտեցումների պատճառով անհրաժեշտություն է դարձրել պարտադիր զինվորական ծառայությունից ազատվելու հնարավորություն տալ նաեւ այդ ընտանիքների անդամներին:

Բնագավառում իրականացվող քաղաքականության նպատակն է ընդառաջել



հասարակության կողմից բարձրացված պահանջին եւ, Արցախի Հանրապետության Սահմանադրության պահանջներին համահունչ, պատշաճ ապահովել զինվորական ծառայության նախապատրաստման, կազմակերպման եւ իրականացման, զինծառայողների եւ նրանց ընտանիքների իրավական ու սոցիալական երաշխիքների իրացման գործընթացը, ամրապնդել «Ազգ-Բանակ» գաղափարախոսությունը եւ դրա շրջանակներում իրականացվող ծրագրերը: Օրենքի 21-րդ հոդվածի 5-րդ մասի կարգավորիչ հարաբերության փոփոխմամբ եւ «Ձինվորական ծառայության եւ զինծառայողի կարգավիճակի մասին» 33 օրենքի հետ համապատասխանեցմամբ՝ ակնկալվում է ապահովել գորակոչի պատշաճ կազմակերպման եւ իրականացման հետ կապված հարաբերությունները:

Ինչպես տեղեկացրել են Արցախի Հանրապետության Ազգային ժողովից, «Ձինվորական ծառայության եւ զինծառայողի մասին» օրենքում փոփոխություն կատարելու մասին» օրենքի նախագծի քննարկումը, Արցախի Պաշտպանության նախարարի տեղակալ Ս. Առուստամյանի ղեկնցմամբ, ընդգրկված է Արցախի Աժ պաշտպանության, անվտանգության եւ օրինապահականության հարցերի մշտական հանձնաժողովի ղեկնցման 7-ի նիստի օրակարգում:

Հարակից գեկուցողն է Աժ պաշտպանության, անվտանգության եւ օրինապահականության հարցերի մշտական հանձնաժողովի նախագահ Սեյրան Հայրապետյանը:

ՕՐԵՆՔԻ ՆԱԽԱԳԻԾ

ՏՐԱՄԱԴՐՈՒՄԸ ԿԴԱԿԱՐԵՑՎԻ

Հայաստանում նախատեսվում է 2023 թվականի հունվարի 1-ից մինչև 2024 թվականի հունվարի 1-ը դադարեցնել կենսաչափական անձնագրերի սրամադրումը քաղաքացիներին մինչև առկա սերնդի սեխնոլոգիաներով եւ անվստահության դաշմաններով օժտված կենսաչափական անձնագրերի ստեղծումն ու ասիճանաբար հին անձնագրերը նորերով փոխարինելը:

«Հայաստանի Հանրապետության քաղաքացու անձնագրի մասին» օրենքում փոփոխություններ եւ լրացում կատարելու մասին եւ կից ներկայացված օրենքների նախագծերի փաթեթն Աժ նիստում ներկայացրեց 33 փոխստիկանապետ Արա Ֆիդայանը:

«Օրինագծերի նախապատրաստումը պայմանավորված է 33 կառավարության՝ 1998 թվականի դեկտեմբերի 25-ի համա-

պատասխան որոշմամբ նախատեսված անձնագրերի տրամադրման ժամկետը մինչև 2023 թվականի դեկտեմբերի 31-ը սահմանելու անհրաժեշտությամբ՝ 33 քաղաքացիների անձը հաստատող փաստաթուղթ ունենալու իրավունքը երաշխավորելու համար: Բացի այդ, օրինագծերի նպատակը քաղաքացիների համար ապագա սերնդի տեխնոլոգիաներով եւ անվտանգության պայմաններով օժտված կենսաչափական անձնագրերի եւ էլեկտրոնային նույնականացման ու ստորագրության հնարավորության ստեղծումն է եւ աստիճանաբար, ըստ ժամկետի ավարտի, հին անձնագրերի եւ էլեկտրոնային քարտերի՝ նորերով փոխարինումը», -ասաց Ֆիդայանը:

Նախատեսվում է, 33 կառավարության 1998 թվականի դեկտեմբերի 25-ի համապատասխան որոշմամբ, անձնագրերի տրամադրման ժամկետը երկարաձգել

մինչև 2023 թվականի դեկտեմբերի 31-ը, իսկ նույնականացման քարտերը տրամադրել առանց էլեկտրոնային պահոցի մինչև 33 կառավարության որոշմամբ դրանց բնութագրի սահմանում: Էլեկտրոնային պահոցով նույնականացման քարտերը նախատեսվում է տրամադրել մինչև 2023 թվականի փետրվարի 15-ը, իսկ էլեկտրոնային պահոց չպարունակող նույնականացման քարտերը՝ 2023 թվականին փետրվարի 15-ից:

«Բացի այդ, ժամանակավորապես՝ մինչև 2024 թվականի հունվարի 1-ը, կառավարության 33 քաղաքացիներին կենսաչափական անձնագրերի տրամադրումը մինչև ապագա սերնդի տեխնոլոգիաներով եւ անվտանգության պայմաններով օժտված կենսաչափական անձնագրերի ստեղծումն ու աստիճանաբար հին անձնագրերի՝ նորերով փոխարինումը», -ասաց փոխստիկանապետը:

● Անցած 1 օրվա ընթացքում Հայաստանի Հանրապետությունում արձանագրվել է 11 ՃՏՊ. 17 մարդ ստացել են տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ՆՈՐ ԵՆԵՔԵՐ՝ «ԱԿԲԱ»-Ի ՕԳՆՈՒԹՅԱՄԲ

Գյուրու «Մուշ-2» թաղամասի բնակելի երկու նոր շենքերը գրեթե պատրաստ են շահագործման...

Եվս երկու շենք կառուցման փուլում են 44-օրյա պատերազմից հետո որոշվեց այս նոր մասնաշենքերում բնակարաններ տրամադրել նաեւ պատերազմի մասնակից եւ հաշմանդամություն ձեռք բերած տղաներին...

«Շենքերը կայուն են, կառուցված են միաձույլ երկաթբետոնե կոնստրուկցիայով: Շենքերի տանիքը թեք է, որն ինքնանպաստակ չէ...»

Նորակառույց շենքերն ունեն նաեւ հատուկ տարածք ստեղծագործելու համար: Արվեստի սիրահարները կարող են ոգեշնչվում փնտրել եւ առանձնակալ նորակառույցների տանիքում...

2012-ին «Ակբա» բանկը «Հայաստան» համահայկական հիմնադրամի հետ Հայաստանում առաջին անգամ թողարկեց բարեգործական Visa «ԲԱՐԵՐԱՐ» քարտը...

ԱՆՊՏՂՈՒԹՅԱՆ ՀԱՂԹԱՀԱՐՈՒՄ

2022 թվականին Հայաստանում անպտղության հաղթահարման պետական ծրագրով 103 երեխա է ծնվել: 2019-20 թվականներին անպտղության հաղթահարման ծրագրով գրանցվել է 63 հղիություն...

ՏԱՐԱԾԱՇՈՂՁԱՆ


ԳՆԱՃԻ ՏԵՄՊԵՐԸ՝ ՀԱՅԱՍՏԱՆՈՒՄ

Ընթացիկ տարվա նոյեմբերին, նախորդ տարվա նույն ժամանակահատվածի համեմատ, ՀՀ տնտեսական ցուցայում գնաճը կազմել է 8.8%, իսկ նախորդ ամսվա համեմատ՝ 1.1%:

2022թ. նոյեմբերին, նախորդ տարվա նույն ամսվա համեմատ, Հայաստանում արձանագրվել է սննդամթերքի եւ ոչ ալկոհոլային խմիչքի 11.1%, իսկ 2022թ. հոկտեմբերի համեմատ՝ 2.4% գնաճ: Տավարի մսի գինը 2022թ. նոյեմբերին, 2021թ. նոյեմբերի համեմատ, աճել է 23.5%-ով, իսկ 2022թ. հոկտեմբերի համեմատ՝ 0.2%-ով: 2022թ. նոյեմբերին, նախորդ տարվա նույն ամսվա համեմատ, ՀՀ-ում գրանցվել է խոզի մսի 0.2% գնանկում, մինչդեռ թռչնամսի ու գառան մսի՝ համապատասխանաբար 2.2% եւ 5.1% գնաճ:

Անդրադառնալով ոչ պարենային ապրանքների գներին՝ նշենք, որ ընթացիկ տարվա նոյեմբերին, նախորդ տարվա նույն ամսվա համեմատ, ոչ պարենային ապրանքների շուկայում արձանագրվել է 7.7%, իսկ 2022թ. հոկտեմբերի համեմատ՝ 0.5% գնաճ: Հատկանշական է, որ 2022թ. նոյեմբերին, հոկտեմբերի համեմատ, ՀՀ-ում արձանագրվել է բենզինի եւ դիզելային վառելիքի համապատասխանաբար 2.5% եւ 4.5% գնանկում: 2022թ. նոյեմբերին, 2021թ. նոյեմբերի համեմատ, գրանցվել է բենզինի 3.3% գնանկում, իսկ դիզելային վառելիքի՝ 23.9% գնաճ:

Դիտարկվող ժամանակահատվածում, նախորդ տարվա համեմատ, ավելի քան 7%-ով ավելացել են նաեւ ծառայությունների գները, իսկ նույն տարվա հոկտեմբերի համեմատ՝ 0.2%-ով: Ընթացիկ տարվա հունվար-նոյեմբեր ժամանակահատվածում ՀՀ սպառողական գների ինդեքսը (ՍԳԻ) կազմել է 8.7%:




Ընթացիկ տարվա հոկտեմբերին, նախորդ տարվա նույն ամսվա համեմատ, Եվրասիական տնտեսական միության (ԵԱՏՄ) երկրներում սպառողական գների ինդեքսն ավելացել է 13.4%-ով: Դիտարկվող ժամանակահատվածում ԵԱՏՄ անդամ երկրներում սպառողական գներն ավելացել են հետևյալ կերպ՝

Հայաստանում՝ 9.5%, Ռուսաստանում՝ 12.6%, Բելառուսում՝ 15.2%, Ղրղզստանում՝ 15.4%, Ղազախստանում՝ 18.8%:

Օրերս Եվրասիական զարգացման բանկը ներկայացրել էր 2023թ. համար ԵԱՏՄ անդամ երկրների մակրոտնտեսական ցուցանիշների կանխատեսումների վերաբերյալ զեկույցը, համաձայն որի՝ ակնկալվում է, որ 2023թ. տարեվերջին ԵԱՏՄ երկրների շարքում ամենացածր գնաճը կարձանագրվի Հայաստանում՝ 4.6 %-ի սահմաններում:

ԵԱԶԲ անդամ երկրների հիմնական մակրոտնտեսական ցուցանիշների կանխատեսումը 2023 թ.



ՀԱՅՏԱՐԱՐՈՒԹՅՈՒՆ

ՀՐԱՊՈՐՏԱԿԱՅԻՆ ԾԱՆՈՒՑՈՒՄ

«Բի Էս Թի» ՍՊԸ-ն (այսուհետ՝ Կազմակերպիչ) «Ակսոն» ԱՅ Բորսայի հարթակում իրականացնելու է բաց աճուրդ համապատասխան փուլերով՝ «դասական» (գնի բարձրացմամբ), այսուհետեւ «հոլանդական» (գնի նվազեցմամբ) եղանակներով: Աճուրդի ընթացքում վաճառվելու են «Արդշինբանկ» ՓԲԸ-ին (այսուհետ՝ բանկ) գրավի իրավունքով պատկանող հետևյալ լոտերը:

- Լոռու մարզ, համայնք Ստեփանավան, Ստեփանավան ք., 4-րդ միկրոշրջան, 5-րդ փողոց, 9 հասցեում գտնվող 257.29 ք.մ. բնակելի տուն, 47.84 ք.մ. անասնաշենք եւ 0.0605 հա հողամաս: Լոտի մեկնարկային գինը՝ 17600000 ՀՀ դրամ:

- ք. Երեւան, Ավան, Ավան-Առինջ թաղամաս, 1-ին միկրոշրջան, 2/12 շենք, 28 հասցեում գտնվող 79.4 ք.մ. բնակարան: Լոտի մեկնարկային գինը՝ 34070000 ՀՀ դրամ:

Լոտերի նկատմամբ սահմանափակումները՝ գույքերը գրավարված են:

Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 23.12.2022թ.-ին, ժ. 12:00-ին դասական եղանակով, այսուհետեւ յուրաքանչյուր աշխատանքային օր, նույն վայրում, նույն ժամին՝ հոլանդական եղանակով: Աճուրդի ավարտը՝ 23.01.2023թ.-ին: Աճուրդի մասնակցության նախաձեռնող սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա

ժամը 16:00-ն: Նախավճարը վճարվում է «Բի Էս Թի» ՍՊԸ -ի դրամարկրումաճուրդի կայանում հասցեում, ՀՀ օրենսդրությամբ սահմանված կանխիկի շեմը չզերագանցելու դեպքում, կամ բանկային հաշվին («Արդշինբանկ» ՓԲԸ-ում 2470103374150000 հաշվառման համարին) կամ կազմակերպչի կողմից տրված այլ հաշվառման համարին: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախավճարի մուծման փաստը, իսկ իրավաբանական անձանց համար անձը հաստատող փաստաթուղթ եւ Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախավճարի մուծման փաստը, իսկ իրավաբանական անձանց համար անձը հաստատող փաստաթուղթ եւ Կազմակերպչի կողմից տրված մասնակցի վկայական (այսուհետ՝ աճուրդի վկայական):

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուծման կի բերորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախավճարը վերադարձվում է աճուրդի ավարտվելուց հետո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առուվաճառքի պայմանագիրը, ապա նա կորցնում է իր մուծած նախավճարը: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախավճարը:

Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետեւանքով աճուրդի մասնակիցների կորուստների եւ վնասների համար բանկը որեւէ պատասխանատվություն չի կրում:

Լոտերն ուսումնասիրելու ցանկություն հայտնաբերած անձինք կարող են սույն ծանուցման օրվան հաջորդող օրվանից մինչեւ աճուրդի ավարտը, յուրաքանչյուր աշխատանքային օր, ժ. 10:00-ից մինչեւ 18:00-ն, այցելել վերը նշված հասցեներով եւ ծանոթանալ լոտերի հետ՝ այցելությունը նախապես համաձայնեցնելով Կազմակերպչի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մասնավոր հրապարակվելու միջոցով: Աճուրդների անցկացման կանոնակարգին կարող էք ծանոթանալ եւ անվճար ստանալ կանոնակարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող էք զանգահարել (011) 56-45-13 հեռախոսահամարով կամ այցելել [www.ilcbst.am](http://www.ilcbst.am), [www.akson.am](http://www.akson.am) կայքերը:

«Տոճովորդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՇԱՏ ԸՆՆԱՐԿՎՈՂ


ԻՆՉՈ՞Ւ Է ԱԿՏԻՎԱՑԵԼ ՀԱՄԱՑԱՆՑՈՒՄ

Զնայած երգչուհի Անգելինա Գասարյանը դասիվ է հայկական երգարվեստում, բայց փոխարենը շատ ակտիվ է համացանցային սփրոյթում: Երգչուհին ոչ միայն ակտիվ լուսանկարներ է հրատարակում եւ հեռուստոցների հետ կիսվում իր առօրյայով, այլ նաև հաճախ է իր էջում կազմակերպում հարց ու պատասխան եւ բավականին բուռն ձևով է դասասխանում է իր ընթացիկ վերաբերող ֆենդառություններին:

Ի դեպ, հիշեցնենք, որ Անգելինա Գասարյանը ՀՀ Նախկին ոստիկանապետ Վլադիմիր Գասարյանի դուստրն է:

Նշենք, որ Գլխավոր դատախազությունը հայտնել էր, որ Հակակոռուպցիոն կոմիտեում քննվող քրեական վարույթի ընթացքում փաստական տվյալներ են ձեռք բերվել այն մասին, որ ոստիկանության նախկին պետ Վ.Գ.-ի (Վլադիմիր Գասարյան-խմբ) դուստրը՝ Յ.Գ.-ն, միջոցներ տրամադրելով եւ խոչընդոտներ վերացնելով, օժանդակել է 2012-2018 թվականներին կառավարությանն առընթեր ոստիկանության պետի տեղակալ-ոստիկանության գործերի հրամանատարի պաշտոնը զբաղեցրած Լ.Ե.-ին, որը, պաշտոնական դիրքն օգտագործելով, 2015-2018 թվականների ընթացքում իրեն վստահված առանձնապես խոշոր չափերով վատնման եղանակով գույք է հափշտակել:

Ներկայացնում ենք լուսանկարներ նրա «Սթորի» բաժնից:



ԼՈՒՐԵՐ

ԼԱՎԱԳՈՒՅՆ ԽԱՂԱՑՈՂ

Աշխարհի առաջնության 1/8 եզրափակիչի Բրազիլիա-Հարավային Կորեա հանդիպման լավագույն խաղացող է ճանաչվել Ֆրանսիայի չեմպիոն ՊՍԺ-ի եւ Բրազիլիայի հավաքականի 30-ամյա հարձակվող Նեյմարը:

Նա դարձել էր մեկական գոլի եւ գոլային փոխանցման հեղինակ: Բրազիլիան հաղթել է 4:1 հաշվով եւ քառորդ եզրափակչում կմրցի աշխարհի փոխչեմպիոն Խորվաթիայի հետ:

Խմբային փուլի առաջին տուրի խաղում ոտնաթաթի վնասվածք ստացած Նեյմարը երկու խաղ բաց թողնելուց հետո լիարժեք վերականգնվել է եւ մեկնարկային կազմում խաղաց 80 րոպե:

Խորվաթիա-Բրազիլիա հանդիպումը տեղի կունենա դեկտեմբերի 9-ին եւ կմեկնարկի Երեւանի Ժամանակով 19:00-ին:

ՎԱՃԱՌԸ ՄԿՍՎԵԼ Է

Փարիզի ամառային օլիմպիական խաղերի տոմսերի վաճառքի գրանցումը սկսվել է: Գրանցումը բաց է լինելու մինչեւ հունվարի 31-ը, եւ երկրագույները, որոնք ցանկանում են մասնակցել 2024 թվականի օլիմպիական խաղերին, կարող են գրանցվել ցանկացած պահի մինչեւ այդ ժամանակը, որպեսզի կարողանան մասնակցել խաղարկությանը եւ ձեռք բերել տոմսերի փաթեթները: Տոմսերի վաճառքի հաջորդ փուլը կմեկնարկի 2023 թվականի փետրվարին, երբ կսկսվեն տոմսերի փաթեթների վաճառքները:

Փարիզի 33-րդ ամառային օլիմպիական խաղերը կկայանան 2024 թվականի հուլիսի 26-ից օգոստոսի 11-ը: Խաղերի բացման արարողությունը կլինի բացառիկ, քանի որ առաջին անգամն է, որ այն անցկացվելու է ոչ թե մարզադաշտում, այլ Ֆրանսիայի սրտում՝ Սեն Գեոյի երկայնքով: Փարիզը Լոնդոնից հետո երկրորդ քաղաքն է, որը երրորդ անգամն է հյուրընկալում օլիմպիական խաղերը (1900, 1924, 2024): 33-րդ ամառային օլիմպիական խաղերի բացման արարողությունը խորհրդանշական օր է, քանի որ 1924 թվականին խաղերի փակման արարողությունը կայացել է այդ օրը:

Մասնակից հավաքականները բացման արարողությանը կմասնակցեն նավակներով: Փարիզի օլիմպիական խաղերում 32 մարզաձեւերից կխաղարկվեն 329 մեդալներ, իսկ մասնակիցների թիվը կգերազանցի 10.000-ը: Այս խաղերում մեկ նոր մարզաձեւ կա՝ «բոյե դանս»-ը: Փարիզի օլիմպիական խաղերի մի քանի մարզաձեւերի մրցումներ կանցկացվեն Թաիթիում, Նանտում, Լիոնում, Մարսելում, Սենթ-Էթյենում եւ այլն: Այս խաղերում կաշխատեն մոտ 45.000 կամավոր աշխարհի տարբեր երկրներից:

Փարիզի խաղերի կազմակերպիչները կայացրել է նաեւ ՕԽ-ի թալիսմանին՝ մասկոտին: Թալիսմանը, որը ստացել է Ֆրիգ (Phryges) անվանումը, նման է ֆրանսիական գլխարկների եւ ունի կարմիր գույն: Ֆրիգիական գլխարկը համարվում է ֆրանսիական հեղափոխության եւ ազատության խորհրդանիշ:

ՀՅՈՒՐԵՐԸ

«ՄԱՆԿԱԿԱՆ ԵՎՐԱՏԵՍԻԼ 2022»-Ի ԲԱՑՈՒՄ

Երեկ Երեւանում դաճոճադեմ մեկնարկեց «Մանկական Եվրատեսիլ 2022»-ը: Այս տարի հոբելյանական է այն անցկացվում է 20-րդ անգամ: Մրցույթի բացման արարողությունը տեղի ունեցավ Հանրապետության հրապարակում, որտեղ այս տարվա բոլոր 16 երկրների մասվիրակների հետ միասին վառեցին հանրապետության գլխավոր տոնաձառի լույսերը:

«Մանկական Եվրատեսիլ 2022»-ի բացման արարողության հաղորդավարներն են 2011թ.-ին մրցույթում Հայաստանը ներկայացրած Դավիթյան, հաղորդավար Համլետ Առաքելյանը եւ «Եվրատեսիլ 2014»-ում Հայաստանի պատվիրակ Արամ Թրճունի:

Ցուցադրվեց հատուկ «Մանկական Եվրատեսիլ»-ի համար գրված մյուզիքլ, ապա ելույթ ունեցան Հայաստանը տարբեր տարիներին ներկայացրած մասնակիցները: Նշենք, որ մրցույթի գլխավոր համերգը տեղի է ունենալու դեկտեմբերի 11-ին Կարեն Դեմիրճյանի անվան մարզահամերգային համալիրում:

Այս տարի մրցույթին մասնակցում են Հայաստանը, Ալբանիան, Ֆրանսիան, Վրաստանը, Իռլանդիան, Իտալիան, Ղազախստանը, Մալթան, Հյուսիսային Մակեդոնիան, Լեհաստանը, Պորտուգալիան, Սերբիան, Իսպանիան, Միաց-



Երեկ Երեւանում դաճոճադեմ մեկնարկեց «Մանկական Եվրատեսիլ 2022»-ը: Այս տարի հոբելյանական է այն անցկացվում է 20-րդ անգամ: Մրցույթի բացման արարողությունը տեղի ունեցավ Հանրապետության հրապարակում, որտեղ այս տարվա բոլոր 16 երկրների մասվիրակների հետ միասին վառեցին հանրապետության գլխավոր տոնաձառի լույսերը:

● Դեկտեմբերի 8-ին Հ. Պարոնյանի անվան երաժշտական կոմերսիայի պետական թատրոնում տեղի կունենա «Զինացին էլ կարող է հայ լինել» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



Էջը՝ ՈՂՋԱ ՊՈՐՈՍՅԱՆԻ

ԻՐԱՎԱԿԱՆ

ՀԱՐՑ. Ովքե՞ր են համարվում քրեական դատախազության սուբյեկտներ: Ստեփան Միքայելյան (39 տարեկան)



ՊԱՏԱՍԽԱՆ. Քրեական պատասխանատվության ենթակա է մեղսունակ ֆիզիկական անձը, որի 16 տարին լրացած է եղել հանցանքը կատարելու պահին, ինչպես նաև իրավաբանական անձը:

Այն անձը, որի 14 տարին լրացած է եղել հանցանքը կատարելու պահին, ենթակա է քրեական պատասխանատվության սույն օրենսգրքի 155-161-րդ հոդվածներով, 166-170-րդ հոդվածներով, 191-րդ հոդվածով, 198-րդ հոդվածով, 252-րդ հոդվածով, 253-րդ հոդվածի 2-րդ կամ 3-րդ մասով, 254-րդ հոդվածի 2-րդ կամ 3-րդ մասով, 258-րդ հոդվածով, 264-րդ հոդվածի 2-րդ կամ 3-րդ մասով, 297-րդ հոդվածով, 338-րդ հոդվածով, 339-րդ հոդվածով, 397-րդ հոդվածով կամ 398-րդ հոդվածով նախատեսված հանցանքների կատարման համար:

ՀՀ քննչական կոմիտե

«ԺՈՂՎՈՒՐԳ». Եթե անձը հասել է նախատեսված տարիքի, սակայն մտավոր զարգացման մեջ հետ մնալու հետևանքով ունակ չի եղել գիտակցելու իր արարքի հակահրավակականությունը կամ ղեկավարելու իր արարքը, ապա ենթակա չէ քրեական պատասխանատվության:

ՏՆՏԵՍԱԿԱՆ

ՀԱՐՑ. Ինչպիսի՞ն է լինում օգտակար հանածոյի արդյունահանման թույլտվության բովանդակությունը: Արմինե Բաղմանյան (42 տարեկան)



ՊԱՏԱՍԽԱՆ. Օգտակար հանածոյի արդյունահանման թույլտվությունը մասնավորապես ներառում է՝  
- թույլտվության հերթական համարը, տրման տարին, ամիսը, ամսաթիվը եւ ժամկետը,  
- տրամադրված պաշարների քանակն՝ ըստ կարգերի, եւ հանքի տարեկան արտադրողականությունը,  
- ընդերքի տեղամասի ծայրակետերի կոորդինատները՝ միասնական կոորդինատային համակարգով,  
- օգտակար հանածոյի եւ (կամ) ուղեկից բաղադրիչների անվանումը:

ՀՀ շրջակա միջավայրի նախարարություն «ԺՈՂՎՈՒՐԳ». Օգտակար հանածոյի արդյունահանման թույլտվությունը կցվում են համապատասխան փորձաքննություններ անցած օգտակար հանածոյի արդյունահանման նախագիծը, հանքարդյունահանման պայմանագիրը եւ լեռնահատկացման ակտը, որոնք թույլտվության անջակատելի մասերն են:

ԼՈՒՐ ԿԱԴՐ

Լուսանկարն արվել է Երեւանում



Երեւանի մետրոպոլիտենի Զորավար Անդրանիկ կայարանում երեկ եւ այսօր ընթանում են «Մանկական եվրատեսիլ» երգի նկարահանման աշխատանքները, եւ «Ժողովուրդ» օրաթերթի տեսախցիկը ֆիքսել է նախապատրաստական աշխատանքներից մի կադր:

ԲԱԺԱՆՈՐԴԱԳՐՈՒԹՅՈՒՆ

Մեր թերթը  
Բաժանորդագրվելու  
համար կարող եք դիմել

«Հայմամուլ» ՓԲԸ  
հեռ. 45-82-00, 45-19-11

«Հայկոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ  
հայկական տպագիր մամուլից  
«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ  
Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_  
Հեռ.՝ (060) 490049  
0023, Արշակունյաց 2, 5-րդ հարկ, 518ս.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.  
«Շարունակությունը կարող եք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22՝/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 6.12.2022  
Պատկերը հարցազրույցից է. 4 հարցից, 4 հարցից 2021

Գլխավոր խմբագիր՝  
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: